

Na osnovu člana 69. stav (3) i člana 70. stav (4) i (6) Zakona o javnim nabavkama („Službeni glasnik BiH“, broj: 39/14 i 59/22), u konkurentskom postupku javne nabavke s namjerom provođenja e-aukcije – Radovi na hitnim intervencijama na putevima na području Grada Bosanska Krupa, na prijedlog Komisije za provođenje postupka javne nabavke, Gradonačelnik grada Bosanska Krupa, kao rukovodilac organa uprave donosi:

**ODLUKU**  
**o otkazivanju postupka javne nabavke**

**Otkazuje se postupak javne nabavke- Radovi na hitnim intervencijama na putevima na području Grada Bosanska Krupa,** koji je objavljen dana 1.4.2024. godine na Portalu javnih nabavki (Obavještenje o nabavci broj: 1272-7-3-40-3-43/24 od 1.4.2024. godine - objavljeno na portalu JN (TD preuzelo ukupno 8 ponuđača) i objavljeno u „Službenom glasniku BiH“, broj: 24/24 dana 5.4.2024. godine, iz razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

**O b r a z l o Ź e n j e**

Postupak javne nabavke pokrenut je Odlukom o pokretanju postupka javne nabavke broj: 07-11-5-2785/24 od 1.4.2024. godine. Javna nabavka je provedena putem konkurentskog postupka javne nabavke s namjerom provođenja e-aukcije– Radovi na hitnim intervencijama na putevima na području Grada Bosanska Krupa. Obavještenje o nabavci broj: 1272-7-3-40-3-43/24 od 1.4.2024. godine - objavljeno na portalu JN (TD preuzelo ukupno 8 ponuđača) i objavljeno u „Službenom glasniku BiH“, broj: 24/24 dana 5.4.2024. godine.

Po objavljenom obavještenju rok za prijem ponuda je bio 15.04.2024. godine do 13:00 sati. Do označenog roka za prijem ponuda na protokol Ugovornog organa zaprimljene su dvije blagovremene ponude, i to sljedećim redoslijedom:

1. **d.o.o. „I-KOMIĆ“ Bosanska Krupa,** zaprimljena pod brojem protokola: 07-11-5-2785-2/24 dana 15.4.2024. godina u 8:16 sati;
2. **d.o.o. „EURO COP INVEST“, Bosanska Krupa,** zaprimljena pod brojem protokola: 07-11-5-2785-3/24 dana 15.4.2024. godina u 8:29 sati.

Komisija je pristupila otvaranju pristiglih ponuda redoslijedom zaprimanja i konstatuje sljedeće:

1. **Ponuđač d.o.o. „I-KOMIĆ“ Bosanska Krupa, Bosanska Krupa,** dostavljena ponuda uredno zapakovana i bez vidnih oštećenja, ponudio je:  
cijena ponude: **13.135,00 KM bez PDV,**  
PDV **2.232,95 KM**  
ukupna cijena ponude: **15.367,95 KM sa PDV- om,**  
Nema popusta
2. **Ponuđač d.o.o. „EURO COP INVEST“,** dostavljena ponuda uredno zapakovana i bez vidnih oštećenja, ponudio je:  
cijena ponude: **13.135,00 KM bez PDV,**  
PDV **2.232,95 KM**  
ukupna cijena ponude: **15.367,95 KM sa PDV- om,**

Nema popusta

Komisija je konstatovala da su ponude ponuđača d.o.o. „I-KOMIĆ“ Bosanska Krupa i d.o.o. „EURO COP INVEST“, Bosanska Krupa potpune, ispravne u formalno-pravnom smislu (ponuđači su dostavili ponudu u skladu sa tenderskom dokumentacijom, ispunili uslove za učešće, dostavili potrebne dokaze), da su u okviru procijenjene vrijednosti i računski tačne.

S obzirom na navedeno Komisija je predložila ugovornom organu da zakaže e-aukciju sa kvalifikovanim ponuđačima, i to d.o.o. „I-KOMIĆ“ Bosanska Krupa i d.o.o. „EURO COP INVEST“, Bosanska Krupa, u skladu s Pravilnikom o uslovima i načinu korištenja e-aukcije.

Provođenje e-aukcije je zakazano za dan 18.4.2024. godine u 14:00 h i ista je trajala od 14:00 h do 14:15 h. Na osnovu izvještaja o toku i završetku e-aukcije utvrđeno je da je konačna rang lista ponuđača sljedeća:

**Rang 1. d.o.o. „I-KOMIĆ“ Bosanska Krupa**, konačna cijena ponude iznosi **13.135,00 KM bez PDV-a**, pa ukupna cijena ponude iznosi **15.367,95 KM sa PDV-om**, (početna cijena ponude umanjena za 0%);

**Rang 1. d.o.o. „EURO COP INVEST“, Bosanska Krupa**, konačna cijena ponude iznosi **13.135,00 KM bez PDV-a**, pa ukupna cijena ponude iznosi **15.367,95 KM sa PDV-om**, (početna cijena ponude umanjena za 0%.

Komisija je konstatovala i utvrdila da su oba ponuđača ponudila identičnu cijenu 13.135,00 KM bez PDV-a, odnosno 15.367,95 KM sa PDV-om, koja je u okviru procijenjene vrijednosti javne nabavke, ali da u postupku e-aukcije nije bilo obaranja cijena, tako da u konačnoj rang listi obje ponude imaju rang 1. Kako je kriterij „najniža cijena“ i kako su oba ponuđača ponudili identičnu cijenu, nastala situacija je izvan kontrole ugovornog organa i nije se mogla predvidjeti u vrijeme pokretanja postupka javne nabavke, te Komisija predlaže ugovornom organu da postupak javne nabavke otkáže u skladu sa članom 69. st. 3. ZJN.

U postupku je utvrđeno da je Komisija u svemu pravilno postupila, te da je preporuku o otkazu postupka nabavke data u skladu sa Zakonom o javnim nabavkama („Službeni glasnik BiH“, 39/14, 59/22), podzakonskim aktom i tenderskom dokumentacijom.

Naime, u postupku predmetne nabavke nesumnjivo je utvrđeno da postoje dokazivi razlozi izvan kontrole ugovornog organa, a koji se nisu mogli predvidjeti u vrijeme pokretanja postupka javne nabavke, te su se stekli zakonski uslovi za otkaz postupka javne nabavke.

Iz navedenih razloga, primjenom člana 69. stav 3. Zakona o javnim nabavkama, odlučeno je kao u dispozitivu ove odluke.

### **Pouka o pravnom lijeku**

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrađivač:

Selma Bužimkić, dipl. pravnik

Dostavljeno:

1. d.o.o. „EURO-COP INVEST“ Bos. Krupa, putem e-maila
2. d.o.o. „I-KOMIĆ“ Bosanska Krupa, putem e-maila
3. U spis
4. a/a

**GRADONAČELNIK**

Armin Halitović